

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KETIGA,
PARLIMEN KELIMA BELAS TAHUN 2024**

PERTANYAAN : BUKAN LISAN

**DARIPADA : DATO' SRI DORIS SOPHIA ANAK BRODI
[SRI AMAN]**

SOALAN

**Dato' Sri Doris Sophia anak Brodi [Sri Aman] minta MENTERI
PENGANGKUTAN** menyatakan adakah Kementerian bercadang untuk
membuat penilaian semula terhadap struktur bayaran yang dikenakan
oleh sekolah memandu dan JPJ untuk memastikan ia berpatutan.

JAWAPAN

Tuan Yang di-Pertua,

1. Untuk makluman Ahli Yang Berhormat, Jabatan Pengangkutan Jalan (JPJ) **telah menetapkan harga siling (atau harga maksimum)** yang boleh dikenakan kepada calon bagi mendapatkan suatu permohonan lesen memandu mengikut kelas-kelas kenderaan motor. Kadar harga siling yang telah ditetapkan ini mengandungi elemen-elemen kos tetap yang perlu ditanggung oleh pihak Institut Memandu (IM) dan kadar fi perkhidmatan Kerajaan. Antara elemen kos tetap yang telah diambil kira di dalam kadar harga siling ini adalah fi pendaftaran, kadar sewaan ruang pejabat, sewaan kenderaan, bayaran kelas teori/praktikal, kos tenaga pengajar, bayaran ujian berkomputer, yuran perkhidmatan dan kos utiliti.

2. Bagi **kelas kenderaan B** (motosikal melebihi 500cc), harga siling adalah **RM900**. Bagi **kelas kenderaan B2** (motosikal tidak melebihi 250cc), harga siling adalah **RM350.00**. Bagi **kelas kenderaan D** (motokar BTM tidak melebihi 3500kg) adalah **RM1,150**, dan bagi **kelas kenderaan DA** (motokar tanpa pedal klac BTM tidak melebihi 3500kg) adalah **RM1,250**.

3. Dalam hubungan ini, Kementerian Pengangkutan (MOT) melalui JPJ sentiasa menyemak kadar harga siling bagi mendapatkan lesen memandu dari semasa ke semasa. Kali terakhir semakan telah dibuat ialah pada tahun 2024. Pada masa ini, kadar siling semasa adalah masih bersesuaian dan akan diguna pakai.

Sekian, terima kasih.